

ritonaeum ex nigro viride est. *Cor* angulatum. *Hepar* ex albo rubet, a quo *fellis* vesica pendet, perspicuitate et coloris jucunditate smaragdum referens. *Intestina* lata sunt, coloris lutei. Ob parvam branchiarum scissuram sat diu extra aquam vivit.

Carne est molli, sed ob parvitatem negligitur.

TAB. XVIII.

3.

Ad hanc Piscis *GUTTUVROSUS* dictus referri potest. Nigricat quidem fere undiquaque: sed et punctis caeruleis distinguitur, et color luteus per totam superiorem dorso pinnae partem, circa branchias et summo ventre visitur.

Littoralis est, et foramina lapidum aut aedificiorum littoralium subire solet, vel carne vasi injecta mox exempta capitur.

TAB. XVIII.

2.

ALAUDA NON CRISTATA capite est parvo et rotundo, ore et oculis parvis, dentibus anterioribus ferratis, posterioribus longiusculis, acutis, exertis. *Pinnulas* duas habet ad branchias, duas in ventre, aliam statim a capite ad caudam continuam, item aliam a podice ori satis propinquo ad caudam usque ductam.

Cauda in unicam definit saxatilium more. *Maculae* multae mediae corporis parti aspersae sunt.

Aqua, mucosus, parvis Atherinis et Aphyis vescitur. Carnis substantia et mollitudine cristatae par. In petrarum rimis degit, hinc nomen Percepiere sortitus est.

TAB. XV.

7.8.

Huc et Exocaetus seu *ADONIS* Bellonii, qui cum Vrticis plurimum delectetur, et istae circa littora inter cautes haereant, mari profundius mergi recusat, in rupibus Bononiae, in cavis cautium quiescit.

Species illarum sunt plures, quarum una *Cristata* est Massiliae frequens, primo aspectu Gobium referens. Cute glabra obducitur. Vulgus *Glinos* vocat, colore est subrufo, ut Scorpaena multis aliis coloribus confuso. *Dentes* habet ut

Scarus, firmos, continuam tergoris *pinnam*, ac nescio quid supra *oculos*, quod veluti a pellis laxitate procedit, laterum pinnae inversas, duas sub ventre duabus tantum cirrhis radiatas. *Cristati* caput ad Chamaeleonem accedit, in cuius cacumine *pinnam* Galli *cristam* referentem videas. *Dentes* habet anteriores acutissimos.

Caudae *pinnam*, et laterum rotundam, sub sternum duas; alteram in tergo continuam, maxime latam. *Branchias* tectas, et parvo foramine pervias, sed et detectae quatuor numerantur utrinque. *Cute* integitur laxa, multis coloribus ut Draco variegata. Chamas et conchyliis conficit: sed et urticis interdum *paescitur*. Triduum vel quatrimum absque aqua vivit.

Tertium Exocaeti genus, piscatoribus Byzantinis *Glini*, aliis *Chelidonii* nomine venit.

Raro sex digitorum longitudinem, et duorum pollicum crassitiem excedit. *Squammis* caret, et liturae melinae cyaneae et fulvae per tergo diffunduntur. *Pinna* tergoris continua est et mollis, caudae et laterum latae, varii coloris omnes. *Branchiae* sunt contactae, Spinea exterior, ut in Dracone marino, duobus aculeis obfirmatur: sed ab eo dissidet, quod quilibet aculeus duobus ferratis denticulis repandis et aduncis fulcitur. *Caput* habet polymitum, Os grande, inferiorem *maxillam* latam et planam. *Dentes* *Glini* priore aliquantulum minores. Dum scinditur, *branchias* non ostendit integras, sed rudimenta coloris paulo magis rubra quam in Muraena. Non male ad *Basiliscos* Oppiani referentur.

Aristot. H. A. l. 9. c. 55.
et Scalig. in Aristot. l. c.

PHOLIS a mucosus ita dicitur, quem *Tab. XVII.* 4. *periplaóττεται περί αυτήν, και γίνεται κατάπερ θαλάμην. In circuitu ejus is concrefcit, ac fit quasi cubile.* Antipoli et ab Italis *Bavosa* vocatur. Alauda paulo major est, dorso fusco, cute laevi, maculosa, ventre pallido. Pinnis aliisque partibus a superiori- bus non differens.

Nec